



Broj: 02-05-2066/17
Lukavac, 13.10.2017.godine

Na osnovu člana 64. stav (1). tačka b), člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine, na Preporuku Komisije za provođenje postupka javne nabavke broj: 02-05-2066/17 od 13.10.2017.godine u postupku nabavke građevinskog materijala i betonskih cijevi, Općinski načelnik donosi

ODLUKU

o izboru najpovoljnijeg ponuđača za nabavku građevinskog materijala i betonskih cijevi

Član 1.

Prihvata se preporuka Komisije za provođenje postupka javne nabavke broj: 02-05-2066/17 od 13.10.2017. godine i Ugovor za javnu nabavku građevinskog materijala i betonskih cijevi dodjeljuje ponuđaču DŽENEX doo Tuzla, na osnovu ponude broj: 09-10/17-1 od 09.10.2017.godine i konačne rang liste nakon završene e-aukcije, za ponuđenu cijenu u vrijednosti od 172.717,50 KM, kao najpovoljnijem ponuđaču.

Član 2.

Izabrani ponuđač je dužan da u roku od 7 (sedam) dana od dana dostavljanja ove Odluke dostavi originale ili ovjerene kopije dokumentacije iz člana 45.stav (2) tačka od a) do d) Zakona o javnim nabavkama BiH, navedene u tački 12.2. od a) do d) Tenderske dokumentacije, broj: 02-05-2066/17 i iz člana 47. stav (1) tačka a) Zakona o javnim nabavkama BiH, navedene u tački 13.2.4. Tenderske dokumentacije, broj: 02-05-2066/17.

Ukoliko izabrani ponuđač ne dostavi traženu dokumentaciju u određenom roku, ili je ne dostavi na propisan i nepotpun način, postupak dodjele ugovora za javnu nabavku bit će poništen.

Član 3.

Ova odluka objavit će se na intrenet stranici ugovornog organa (www.lukavac.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70.stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02-02-1-2065/17 od 19.09.2017.godine. Javna nabavka sprovedena je otvorenim postupkom nabavke. Procjenjena vrijednost javne nabavke bez PDV-a je 198.348,00 KM.

Obavještenje o nabavci broj: 719-1-1-67-3-42/17 objavljeno je na Portalu javnih nabavki dana 19.09.2017. godine.

Komisija za provođenje postupka nabavke imenovana Rješenjem broj: 02-05-2100/17 od 21.09.2017.godine dostavila je ugovornom organu-općinskom načelniku Zapisnik o pregledu i

Strana 1 od 2



ISO 9001:2015
No. 308550 QM15

Općina Lukavac - Općinski Načelnik, Trg slobode 1, 75300 Lukavac
www.lukavac.ba, e-mail: kabinet-nacelnika@lukavac.ba
Tel. +387 35 366 700, fax: +387 35 366 703



ISO 9001:2015
No. 308550 QM15

ocjeni ponuda broj: 02-05-2066/17 od 10.10.2017, zapisnik o pregledu i ocjeni ponuda nakon održane e-aukcije broj: 02-05-2066/17 od 13.10.2017. godine, Preporuku o izboru najpovoljnijeg ponuđača broj: 02-05-2066/17 od 13.10.2017. godine i Izvještaj o radu broj: 02-05-2066/17 od 13.10.2017. godine.

U postupku po Izvještaju o radu je utvrđeno da je Komisija za provođenje postupka nabavke blagovremeno i pravilno izvršila otvaranje, pregled i ocjenu pristiglih ponuda, o čemu je sačinila odgovarajuće zapisnike, u kojima je utvrđeno sljedeće:

- da su u predmetnom postupku primljene dvije ponude;
- da su blagovremeno primljene dvije ponude;
- da nije bilo neblagovremeno primljenih ponuda;
- da su ponude ponuđača DŽENEX doo Tuzla i BUMA-COMPANY doo Lukavac kvalifikovane i prihvatljive, naime dostavljeni su svi traženi dokazi propisani tenderskom dokumentacijom, na propisan način;

U postupku donošenja ove Odluke, posebno su cijenjene činjenice da je Komisija, pravilno i potpuno izvršila ocjenu kvalifikovanosti ponuđača te pregled i ocjenu ponuda, u skladu sa kriterijima iz Tenderske dokumentacije.

U postupku ocjene provedenog postupka, nisu nađene nepravilnosti niti propusti u radu, koji bi eventualno bili osnov za neprihvatanje Preporuke Komisije za provođenje postupka javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom. Uvidom u priloženu dokumentaciju utvrđeno je da procijenjena vrijednost nabavke bez uključenog PDV-a iznosi 198.348,00 KM i da je kriterij za dodjelu ugovora najniža cijena.

Ponuđač DŽENEX doo Tuzla dostavio je prihvatljivu ponudu sa konačnom cijenom u iznosu od 172.717,50 KM bez PDV-a. Tokom trajanja e-aukcije nije bilo podnošenja ponuda.

Iz navedenih razloga, primjenom člana 64. stav (1) tačka b) Zakona o javnim nabavkama, člana 88., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), člana 8. stav (2) tačka (d) Pravilnika o uspostavljanju i radu Komisije za nabavke („Službeni glasnik BiH“, broj 103/14) i člana 6. tačka (10) Pravilnika o uspostavljanju i radu Komisije za javne nabavke broj: 02-02-2-386/15 od 13.03.2015. godine riješeno je kao u članu 1. ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana prijema ove Odluke. Žalba se putem ugovornog organa izjavljuje Uredu za razmatranje žalbi Bosne i Hercegovine-Filijala Mostar, u pisanoj formi direktno ili preporučeno poštanskom pošiljkom na adresu Općina Lukavac, Trg Slobode 1, 75300 Lukavac. Žalba se podnosi u najmanje tri primjerka.

Dostaviti:

1. DŽENEX doo Tuzla;
2. BUMA-COMPANY doo Lukavac;
3. Evidenciji;
4. Arhivi.

